

## Djoha i la kultura jeneral

por Eliezer Papo

Djohá i su amigo stan diskutiendo aktualidades.

Le dize el amigo: “*Eskuchatis ke se murió Agnon?*”

- “*Sí?*” - dimanda Djohá kon deskreyensia.
- “*Sí, sí, ya si murió!*” - kontesta el amigo.
- “*Agnon si murió...*” - acheta Djohá, ripitiendo kon una boz dramátika.
- “*Sí... ke triste...*” - kontinua el amigo.
- “*I ayúdame a rekordar... Ken era este Agnon?*” - dimanda Djohá.
- “*Ken era Agnon? No saves ken era Agnon?*” - dimanda el amigo kon indignasi3n, “*Agnon era un eskritor kunesido...*”
- “*Eskritor?*” - dimanda Djohá kon muncha apresiasión.
- “*Sí... eskritor!*” - kontesta el amigo.
- “*I se murió?*”
- “*Sí, se murió!*”
- “*I ken va ser eskritor agora?*” - dimanda Djohá, bien pensativo<sup>[1]</sup>.

---

<sup>[1]</sup> pensativo: penseriozo